

VATHORI VA FANELE KU LANDZELELA SIKU RO PFALA RA TI 31 MUDYAXIHI 2023

Tshwane, 29 Mudyaxihi 2023 – Vukorhokeri bya Xibalo bya Afrika-Dzonga (SARS) byi hlohlotela vathori hinkwavo ku landzelela swiboho swa vona swa xinawu mayelana na Nguva yo Fayila ya Vathori ya lembe hi siku ro pfala ra ti 31 Mudyaxihi ku papalata mixupulo, ntswalo na/kumbe milandzu ya vugevenga.

Vathori va fanele va rhumela Mitiviso ya Miringanso ya Lembe (EMP501) eka SARS, ku katsa na mitiviso ya n'hweti leyi kayiveleke (EMP201) na miringaniso ya lembe ya malembe lama nga hundza (EMP501).

Tihakelo ta Xibalo-Hi-Ku-Ya-Hi-Muholo (PAYE) ti fanele ku va ti ri ta sweswi naswona switiviwa swa IRP5/IT3(a) leswi nyiketiwewe SARS swi fanele ku tiyisisiwa no va swi lulamile. Switiviwa swo lulama swi na nkoka leswaku SARS yi ta kota ku nghenisa vuxokoxoko eka mitlheriso ya xibalo xa malinghena no hlahluva hi ndlela leyi tiendlekelaka vahakelaxibalo lava boxiweke hi ndlela leyi lulameke. Switiviwa swo lulama swi tlhela swi va na nkoka laha vahakelaxibalo va faneleke ku fayila ntlheriso wa xibalo, ku va kotisa ku endla tano hi vuxokoxoko lebyi lulameke enkarhini wa nguva ya xibalo ya vanhu vona vini, leyi sungulaka hi Mawuwani 2023.

SARS yi kombela vathori ku xiya loko vuxokoxoko bya vona eka IRP5/IT3(a) byi lulamile.

Vaphakeri va switiviwa swa vandla ra vunharhu vo fana na swikimi swa mpfuneto wa swa vutshunguri na tibangi va fanele ku rhumela vuxokoxoko lebyi tiyisisiweke no lulama eka SARS na le ka titlilayente ta vona.

Leswi i swilaveko swa nkoka leswi kotisaka SARS ku nyika vukorhokeri byo hetiseka no pfumala mafundzu eka vahakelaxibalo ku fambisana na xikongomelo xa hina xo endla swi olova no vevuka eka vahakelaxibalo ku landzelela swiboho swa vona.

Vathori, vatokoti va xibalo na valawuri va nongoloko wa vathori va fanele ku kopa vhexini ya sweswinyana ya Employers e@syFile. Chanele leyi ya le ka inthanete yi pfumelela vathori ku rhumela tiEMP501 hi ndlela ya xitironiki. SARS yi tlhela yi hlohlotela mabindzu lamatsongo, ma le xikarhi na lamakulu (SMMes) ku tirhisa pulatifomo leyi no suka eka tisisiteme ta manyuwali ku ya eka ta nongoloko wa vathori ta otomatiki.

Mayelana na vuxokoxoko byo hlaya eka Nguva yo Fayila ya Vathori, endzela webusayiti ya SARS www.sars.gov.za.